

全漢三國晉南北朝詩

第二函
五十一冊

全隋詩卷一

無錫丁福保仲祐編纂

貞靜園書

文帝

姓楊氏諱堅弘農郡華陰人也仕周以勳封隋國公女為宣帝后累拜上柱國大司馬靜帝幼沖堅以元舅總朝政封隋王尋篡周自立及平陳後南北混一海內殷富號稱太平在位二十

年四

宴秦孝王于并州作

隋書本紀曰開皇十年高祖幸并州宴秦孝王子相帝為四言詩明年而子相卒十八年而秦孝王薨

紅顏詎幾玉貌須臾一朝花落白髮難除明年後歲誰有誰無

煬帝

諱廣隋文皇帝第二子開皇元年立為晉王後以陰謀廢奪太子勇得立為太子又五年弑父自立在位十二年荒淫暴虐下不堪命為字文化及所弑有集五十五卷

樂府

飲馬長城窟行示從征羣臣

以下五言

肅肅秋風起悠悠行萬里萬里何所行橫漠築長城豈台小子智先聖之所營樹茲萬世策安此億兆生詎敢憚焦思高枕於上京北河秉

兩河執

武節千里捲戎旌山川互出沒原野窮超忽攬金止行陣鳴鼓興

士卒千乘萬騎動飲馬長城窟秋昏塞外雲霧暗關山月緣巖驛馬上乘空烽火發借問長城候單于入朝謁濁氣靜天山晨光照高闕釋兵

全

隋

詩

卷一

一

無錫丁氏校刊

仍振旅要荒事方舉飲至告言旋功歸清廟前

白馬篇

文苑英華作煬帝樂府作孔稚圭按詩中多敘征遼之事當以英華爲正稚圭別有一篇

白馬金貝

一作具

裝橫行遼水傍問是誰家子宿衛羽林郎文犀六屬鎧

寶劍七星光山虛弓響徹地迴角聲長宛河推勇氣隴蜀擅威強輪臺受降虜高闕翦名王射熊入飛觀校獵下長楊英名欺衛霍智策蔑平良島夷時失禮卉服犯邊疆徵兵

樂府作徵兵

集

一作離

薊北輕騎出漁陽進軍

樂府作集軍

隨日暈挑戰逐星芒陣移龍勢動營開虎翼張衝冠入死地攘臂

越金湯塵飛戰鼓急風交征旆揚轉鬪平華地追奔掃鬼方

樂府作帶方

本持

身許國況復武功彰會令千載後流譽滿旂常

步虛詞二首

洞府凝玄液靈山體自然俯臨滄海島回出大羅天八行分寶樹十丈散芳蓮懸居燭日月天步役風煙躡記書金簡乘空誦玉篇冠法二儀立珮帶五星連瓊軒解甘露瑜井挹膏泉南巢息雲馬東海戲桑田回旗遊八極飛輪入九玄高蹈虛無外天地乃齊年

總轡行無極相推凌太虛翠霞承鳳輦碧霧翼龍輿輕舉金臺上高會
玉林墟朝遊度圓海夕宴下方諸

春江花月夜二首

晉書樂志曰春江花月夜玉樹後庭花并陳後主所作後主常與宮中女學士及朝臣相和爲詩太常令何胥又善於文詠採其尤豔麗

者以爲此曲

暮江平不動春花滿正開流波將月去潮水帶

玉臺作共星來

夜露含花氣春潭瀟月暉漢水逢遊女湘川值兩妃

錦石擣流黃二首

漢使出燕然愁闌夜不眠易製殘燈下鳴砧秋月前

今夜長城下雲昏月應暗誰見倡樓前心悲不成慘

樂苑作操

喜春遊歌二首

禁苑百花新佳期遊上春輕身趙皇后歌曲李夫人

步緩知無力臉曼

樂府作臉慢

動餘嬌錦袖淮南舞寶袂楚宮腰

袂女人脇衣也崔豹古今註謂之腰

綵註引左傳相服謂日日近身衣也

江都宮樂歌

以下七言

揚州舊處可淹留臺榭高明復好遊風亭芳樹迎早夏長臯麥隴送餘
秋淥潭桂楫浮青雀果下金鞍躍樂府作駕紫駟綠觴素蟻流霞飲長袖清

歌樂戲州

選詩拾遺云據此詩隋時七
言律體已具不始於唐也

泛龍舟

唐書樂志曰泛龍舟
隋煬帝江都宮作

舳艫千里泛歸舟言旋舊鎮下揚州借問揚州在何處淮南江北海西
頭六轡聊停御百丈暫罷開山歌棹謳詎似江東掌間地獨自稱言鑑
裏遊

四時白紵歌二首

東宮春

洛陽城邊朝日暉天淵池前春燕歸含露桃花開未飛臨風楊柳自依
依小苑花紅洛水綠清歌宛轉繁絃促長袖逶迤動珠玉千年萬歲陽
春曲

江都夏

黃梅

樂府作
梅黃

雨細麥秋輕楓樹蕭蕭江水平飛樓綺觀樂府作
倚觀軒若驚花簾

羅幃當夜

樂府作當夏

清菱潭落日雙鳬舫綠水紅粧兩搖漾還似扶桑

樂府作浮桑

碧海上誰

一作詎

肯空歌採蓮唱

紀遼東二首

雜言 隋書曰大業八年煬帝伐高麗度遼水大戰于東岸擊賊破之進圍遼東

遼東海北翦長鯨風雲萬里清方當銷鋒散馬牛旋師宴鎬京前歌後舞振軍威飲至解戎衣判不徒行萬里去空道五原歸

秉旄仗節定遼東俘馘變夷風清歌凱捷九都水歸宴維陽宮策功行賞不淹留全軍藉智謀詎似

樂府作以

南宮複道上先封雍齒侯

楊叛兒曲

拾遺作隋越王京洛行詩紀作陳後主

青春上陽月結伴戲京華龍媒玉珂馬鳳軫繡香車水映臨橋樹風吹夾路花日昏歡宴罷相將歸狹斜

按馮默菴曰樂府作隋後主唐人每稱煬帝爲後主則此曲意亦煬帝所著改隋作陳非也楊升菴遂以越王侗當之選詩拾遺并改題爲京洛行更妄而可怪

詩

冬至乾陽殿受朝

以下五言

北陸玄冬盛南至晷漏長端拱朝萬國守文繼百王至德慙日用治道
愧時康新邑建嵩岳雙闕臨洛陽圭景正八表道路均四方碧空霜華
淨朱庭皎日光纓珮既濟濟鐘鼓何鏗鏘文戟翊高殿采眊分脩廊元
首乏明哲股肱貴惟良舟楫行有寄庶此王化昌

雲中受突厥主朝宴席賦

大業三年八月帝北巡車駕發榆林歷雲中泝金河時天下承平百物豐實甲士五十餘萬馬十萬匹旌旗輜

重千里不絕突厥啓民克汗奉廬帳以俟車駕帝幸其帳啓民奉觴上壽帝大悅賦詩曰

鹿塞鴻旗駐龍庭翠輦回氍毹望風舉穹廬向日開呼韓頓顙至屠耆
接踵來索辦擎羶肉韞韞獻酒杯如何漢天子空上單于臺

宴東堂

雨罷春光潤日落暝霞暉海榴舒欲盡山櫻開未飛清音出歌扇浮香
舞衣翠帳全臨戶金屏半隱扉風花意無極芳樹曉禽歸

飄颻

一作

賜史祥

北史曰煬帝即位漢王作亂遣其將綦母良自滏口徇黎陽塞白馬津余公理自太行下流潛度擊公理大破之東趨黎陽綦母良棄軍

走其衆大潰進位上大將軍轉太僕卿帝賜祥詩曰

伯嘏朝繼重夏侯親遇深貴耳唯聞古賤目詎知今早擲勁草質久有
背淮心掃逆黎山外振旅河之陰功已書王府留情太僕箴

賜牛弘

北史曰煬帝之在東宮數有詩書遺弘弘亦有答及嗣位嘗賜弘詩云云其同被賜詩者至於文辭贊揚無如弘美

晉家山吏部魏代盧尚書莫言先哲異奇才並佐予學行敦時俗道素
乃冲虛納言雲閣上禮儀皇運初彛倫欣有序垂拱事端居

賜諸葛穎

隋書本傳曰煬帝即位遷穎著作郎甚見親待帝嘗賜穎詩其卒章曰

參翰長洲苑侍講肅成門名理窮研覈英華恣討論實錄資平允傳芳

導後昆

前闕

早渡淮

平淮既淼淼曉霧復霏霏淮甸未分色泱泱共晨暉晴霞轉孤嶼錦帆
出長圻潮魚時躍浪沙禽鳴欲飛會待高秋晚愁因逝水歸

臨渭源

西征乃屆此山路亦悠悠地幹紀靈異同穴吐洪流濫觴何足擬浮槎
難可儔驚波鳴澗石澄岸瀉巖樓滔滔下狄縣淼淼肆神州長林嘯白

獸雲徑想青牛風歸花葉散日舉煙霧收直爲求人隱非窮轍迹遊

還京師

東都禮儀舉西京冠蓋歸是月春之季花柳相依依雲蹕清馳道雕輦
御晨暉嘹亮鐃笳奏葳蕤旌旆飛後乘趨文雅前驅厲武威

捨舟登陸示慧日道場玉清玄壇德衆一首

天淨宿雲卷日舉長川旦颺洒林花落逶迤風柳散孤鶴近追羣啼鶯
遠相喚蓮舟水處盡畫輪途始半江滙各自遙東西並興嘆已熏禪慧
力復藉金丹捍有異三川遊曾非四門觀於焉履妙道超然登彼岸

謁方山靈巖寺

梵宮旣隱隱靈岫亦沈沈平郊送晚日高峯落遠陰廻旛飛曙嶺疎鐘
響晝林蟬鳴秋氣近泉吐石溪深抗迹禪枝地發念菩提心

月夜觀星

團團素月淨脩脩夕景清谷泉驚暗石松風動夜聲披衣出荆戶躡履
步山楹欣覩明堂亮喜見泰階平觜參猶可識牛女尙分明更移斗柄

轉夜久天河橫裴徊不能寐參差幾種情

季秋觀海

孟軻敍遊聖枚乘說瘡疾逃聽乃前聞臨深驗茲日浮天迥無岸含靈
固非一委輸百谷歸朝宗萬川溢分城一作空碧霧晴連洲彩雲密欣同
夫子觀深愧立虛筆

望海

碧海雖欣矚金臺空有聞遠水翻如岸遙山倒似雲斷濤還共合連浪
或時分馴鷗舊可狎卉木足爲羣方知小姑射誰復語臨汾

詠鷹

遷朔欲之衡忽投尉羅裏既以羈華絆仍持獻君子青骹固絕儔素羽
誠難擬深目表茲稱闊臆斯爲美驚獸不及奔猜禽無暇起雖蒙韝上
榮無復凌雲志

獻歲讌宮臣

三元建上京六佾宴

缺一字一作吳

城朱庭容衛肅青天春氣明朝光動劍綵長

階分珮聲酒闌鐘磬息欣觀禮樂成

正月十五日于通衢建燈夜升南樓

法輪天上轉梵聲天上來燈樹千光照花燄七枝開月影凝流水春風
含夜梅旛動黃金地鍾發琉璃臺

晚春

洛陽春稍晚四望滿春暉楊葉行將暗桃花落未稀窺簷燕爭入穿林
鳥亂飛唯當關塞者溽露方霑衣

悲秋

故年秋始去今年秋復來露濃山氣冷風急蟬聲哀鳥擊初移樹魚寒
欲隱苔斷霧時通日殘雲尙作雷

冬夜

不覺歲將盡已復入長安月影含冰凍風聲淒夜寒江海波濤壯嶂潼
坂險難無因寄飛翼徒欲動和鑾

夏日臨江

夏潭陰脩竹高岸坐長楓日落滄江靜雲散遠山空鷺飛林外白蓮開
水上紅迢遙有餘興悵望情不終

北鄉古松樹

古松惟一樹森竦詎成林獨留塵尾影猶橫偃蓋陰雲來聚雲色風度
雜風音孤生小庭裏尙表歲寒心

失題

寒鴉飛數點流水遶孤村

見鐵圍山叢話乃煬帝辭而全篇不傳

附錄

說見陳後主

賜守宮女

隋遺錄曰大業十二年帝將幸江都東都宮女半不隨駕泣留帝言遼東小國不足以煩大駕願擇將征之帝意不回因戲飛帛題二十字賜守宮女云

我夢江都好征遼亦偶然但存顏色在離別只今

拾遺作經年

持檝篇賜吳絳仙

帝幸江都至汴帝御龍舟蕭妃乘鳳舸每舟擇妙麗女子千人執雕板鏤金檝號爲殿脚女中有吳絳仙者柔麗不與羣輩齒因有寵於

帝帝每倚簾視絳仙移時不去因吟持檝篇以賜之

舊曲歌桃葉新粧豔落梅將身倚輕檝知是渡江來

贈張麗華

帝昏涵往往爲妖祟所惑嘗游吳公宅鷄臺與陳後主相遇後主侍女數十許中一人迥美帝屢目之後主云此卽麗華也帝與後主復詩十數篇麗華拜求

帝一章帝操觚曰麗
華捧侍頽然不憚

見面無多事聞名爾許時坐來生百媚實箇好相知

憶韓俊娥二首

拾遺作題迷樓東柱帝在廣陵侍兒韓俊娥尤得帝意蕭妃誣罪去之帝不能止暇日登迷樓憶之題東南二柱云

黯黯愁侵骨綿綿病欲成須知潘岳髻強半爲多情
不信長相憶絲從髻裏生閒來倚樓立相望幾含情

嘲羅羅

七言帝常醉遊諸宮偶戲宮婢羅羅者羅羅畏蕭妃不敢迎帝帝乃嘲之曰

箇人無賴是橫波黛染隆顙簇小蛾幸好留儂伴成夢不留儂住意如何

效劉孝綽雜憶詩二首

雜言已上
並見隋遺錄

憶睡時待來剛不來卸粧仍索伴解珮更相催博山思結夢沈水未成

灰

憶起時投籤初報曉被匿

樂苑作惹

香黛殘枕隱金釵裊笑動林中鳥

一作笑動上林

中除却司晨鳥

幸江都作

隋書五行志曰大業十一年煬帝自京師如東都至長樂宮飲酒大醉因賦五言詩其卒章曰徒有歸飛心無復因風力令美人再三吟詠帝泣下霑襟侍御

者莫不歎歎帝因幸江都復作五言詩云云帝以三月被弑即遭春之應也是年盜賊蜂起道路隔絕帝遂無還心復夢二豎子歌曰去亦死住亦死未若乘船渡江水由是築宮丹陽將居焉功未就而被弑

求歸不得去真成遭箇春鳥聲爭勸酒梅花笑殺人

鳳船歌

七言 廣五行志曰隋煬帝三月三日江上作鳳船歌乃唐興之兆

三月三日向江頭正見鯉魚波上游意欲垂鉤往撩取恐是蛟龍還復休

迷樓歌

迷樓記曰大業九年帝將再幸江都有迷樓宮人夜歌云云帝聞其歌披衣起聽召宮女問之云孰使汝歌也汝自爲之邪宮女曰臣有弟在民間曰道途兒童多唱此帝默然久之曰天啓之也因索酒自歌云云後帝幸江都唐帝起兵入京焚迷樓火經月不滅

宮木陰濃燕子飛興衰自古漫成悲他日迷樓更好景宮中吐豔變紅輝

迷樓宮人歌

附

河南楊柳樹河北李桃榮

一作李花營

楊花飛去去何處

一作楊柳飛綿何處去

李花結

果自然成

按詩紀及古樂苑有煬帝望江南八首出於小說不見古書宜刪

郊廟歌辭

牛弘等奉詔作

園丘歌八首

隋書樂志曰文帝開皇中詔牛弘姚察許善心虞世基劉臻等詳定雅樂弘等奏曰伏奉明詔詳定雅樂博訪知音旁求儒彥研校是非定其去就取爲一代

正樂具在本司於是并撰歌辭三十首詔并令施行牛弘傳曰開皇九年奉詔改定雅樂又作樂府歌辭撰定園丘五帝凱樂按此則諸歌辭當爲牛弘所作也

昭夏

降神

肅祭典協良辰具嘉薦俟皇臻禮方成樂已變感靈心廻天睠闢華闕
下乾宮乘精氣御祥風望燿火通田燭膺介圭受瑄玉神之臨慶陰陰
煙衢洞宸路深善旣福德斯輔流鴻祚徧區宇

皇夏

皇帝升壇

於穆我后

樂府作君

昭明有融道濟區域功格玄穹百神警衛萬國承風仁

深德厚信洽義豐明發思政勤憂在躬鴻基惟永福祚長隆

登歌

德深禮大道高饗穆就陽斯恭陟配惟肅血膺升氣冕裘標服誠感清

樂府作青

立信陳史祝祗承靈貺載膺多福

誠夏

皇帝初獻

肇禋崇祀式奉

樂府作大報

尊靈因高盡

一作就

敬掃地推誠六宗隨兆五緯陪

營雲和發韻孤竹揚聲

樂府作清

我粢既潔我酌惟明元

樂苑作五

神是鑒百祿

來成

文舞

皇帝既獻奏

皇矣上帝受命自天睿圖作極文教遐宣四方監觀萬國

樂府作品

陶甄有

苗斯格無得稱焉天地之經和樂具舉休徵咸萃要荒式序正位履端

秋霜春雨

需夏

皇帝飲福酒

禮以恭事薦以饗時載清玄酒備絜薌蕝廻旒分爵思媚軒墀惠均撤俎祥降受釐十倫以具百福斯滋克昌厥德永祚鴻基

武舞

御曆膺期乘乾表則成功戡亂順時經國兵暢五材武弘七德憬彼遐裔化行充塞三道備舉二儀交泰情發自中義均莫大祀敬恭肅鍾鼓繁會萬國斯歡兆民

隋書作人

斯賴享茲介福康哉元首惠我無疆天長地久

昭夏送神

享序洽祀禮施神之駕儼

樂苑作殿

將馳奔精驅長離耀牲煙達絜誠照騰

日馭鼓電鞭辭下土升上玄瞻寥廓杳無際愴羣心留餘惠

五郊歌五首

隋書樂志曰五郊歌辭青郊奏角音赤郊奏徵音黃郊奏宮音白郊奏商音黑郊奏羽音迎送神登歌與圖丘同

青帝歌角音

震宮初動木德惟仁龍精戒旦鳥曆司春陽光煦物溫風先導巖處載
驚膏田已冒犧牲豐絜金石和聲懷柔備禮明德惟馨

赤帝歌徵音

長嬴開序炎上爲德執禮司萌持衡御國重離得位芒種在時含櫻薦
實木槿垂蕤慶賞旣行高明可處順時立祭事昭福舉

黃帝歌宮音

爰稼作土順位稱坤孕金成德履艮爲尊黃本內色宮實聲始萬物資
生四時咸紀靈壇汎掃盛樂高張威儀孔備福履無疆

白帝歌商音